

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Transfer drugim nivoima vlasti“ – „Tekući transfer za nabavku vakcina“ - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 7/26), na prijedlog Ministarstva zdravstva, Vlada Zeničko-dobojskog kantona, na 127. sjednici, održanoj 30.04.2026. godine, d o n o s i

O D L U K U

o odobravanju sredstava JU Institut za zdravlje i sigurnost hrane Zenica za nabavku vakcina

Član 1.

(Predmet)

Odobravaju se sredstva JU Institut za zdravlje i sigurnost hrane Zenica u iznosu od 130.000,00 KM (slovima: stotintridesthiljada konvertibilnih maraka) za nabavku:

a) vakcina protiv sezonske gripe VAXIGRIP u vrijednosti 89.015,00 KM (slovima: osamdesetdevehiljadapetnaest konvertibilnih maraka),

b) vakcina protiv bjesnila VERORAB u vrijednosti 31.240,00 KM (slovima: tridesetjednahiljadadvjestočetrdeset konvertibilnih maraka),

c) vakcina protiv pneumokoka Prevenar u vrijednosti 5.690,00 KM (pethiljadašestodevedeset konvertibilnih maraka) i

d) vakcina protiv meningokoka grupe A, C, W-135 i Y, konjugirano Nimenrix vakcina u vrijednosti 4.055,00 KM (četirihiljadepedesetpet konvertibilnih maraka).

Član 2.

(Analitička konta)

(1) Sredstva iz člana 1. ove odluke isplatit će iz Budžeta Zeničko dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX001, pozicija „Tekući transfer za nabavku vakcina“.

(2) Sredstva odobrena Odlukom će se transferisati na transakcijski račun Instituta za zdravlje i sigurnost hrane Zenica, broj: 1995130020696511, otvoren kod Sparkasse bank, nakon provedenog postupka javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14, 59/22 i 50/24), a u skladu sa zaključenim ugovorom o nabavci.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Institut za zdravlje i sigurnost hrane Zenica, svako u okviru svoje nadležnosti.

Član 4.
(Izvještavanje)

(1) JU Institut za zdravlje i sigurnost hrane Zenica je dužna izvjestiti Ministarstvo zdravstva o namjenskom utrošku sredstava, dostavljanjem faktura, dokaza o uplati sredstava dobavljaču i izvještaja o utrošku vakcina i distribuciji nabavljenih vakcina protiv sezonske gripe domovima zdravlja.

(2) U slučaju nepostupanja prema članu 4. stav (1) ove odluke, JU Institut za zdravlje i sigurnost hrane Zenica je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-8895/26
Datum, 30.04.2026. godine
Zenica

PREMIJER
po ovlaštenju

Mirza Mušija

DOSTAVLJENO:

1x Ministarstvo zdravstva,
1x Ministarstvo finansija,
1x JU Institut za zdravlje i sigurnost hrane Zenica,
putem Ministarstva,
1x „Službene novine Zeničko-dobojskog kantona“,
1x a/a.